

Sosyal Demokrat Fırkası Programıdır

1.ci Madde — Merkezi İstanbul'da olmak üzere bir sosyal demokrat fırkası teşekkül etmiştir. Fırkaya, esas programını kabul eden bilâ tefrik-i cins ve mezhep herkes dahil olabilir.

2.ci Madde — Fırkanın hey'et-i idaresini müessislerden 13 kişi teşkil ederler. Bunların vezaifini gelecek sene Temmuz iptidasına kadar takriben 1.5 sene devam eder ve her sene Temmuz iptidasında bir içtimali umumî akdolunarak hey'et-i idare bilintihap teccid olur. Hey'et-i idareden çıkanların tekrar intihapları caizdir.

3.cü Madde — Fırkaya dahil olacak zevat usulen kabul varakasını imza edecek ve aza-yı firkadan 3 kişi imzalarile tavsiye ve şahadetleri buna inzıam edecek badehu hey'et-i idare kararile kayıd ve kabul olunacaktır.

4.cü Madde — Sosyal Demokrat fırkasına dahil olanlar Fırka sandığına dıhuliyeye olarak (1) lira verecek ve her ay 10 kuruştan aşağı olmamak üzere sia'i haline göre bir meblâğ itasını taahhüt eyliyecektir.

5.cü Madde — Taahhüdât-ı maneviye ve maddiyesinde mazeret-i hakikiyeye müstenit olmıyarak terahi ve tekâsül edenler haklarında hey'et-i idarece adli hakkaniyetle tatbikat-ı medeniyede bulunacaktır.

6.cü Madde — Hey'et-i idarenin vezaifi evvelâ: Fırkanın programını hakkile tatbik etmek, diğer memleketlerde sosyal demokrat fırkalarile teyit ve tevsi, rabita-yı hakikiyeye ciddiyetle çalışmak ve beynelmilel teşkilâta her suretle dahil olmak, saniyen; fırkanın varidatını anız ve kabul ve bunu herhalde program dahilinde fırkanın maksat ve gayesi uğrunda sarfeylemek, hey'et-i umumiyeye her sene bir raporla fırkanın icraat ve mesaisine ve varidat ve mesarifine dair muntazam malûmat vermek ve hey'et-i umumiyenin mukarreat-ı umumiyesini hakkile infaz etmek, muamelât ve müzakeratın hüsn-ü cereyanına fevkalâde dikkat etmektir.

7.ci Madde — Hey'et-i idare müzakerat ve muamelâtın hüsn-ü cereyanı için içlerinden bir reis, bir reis vekili, bir katib-i umumî, bir muavin, bir kasadar, bir de muavin intihap ederler. Bunların vezaifi nizamname-yi mahsusla tavih kılınacaktır. Hey'et-i idare lüzüm görürse hey'et-i umumiyeyi vaktinden evvel ve her dakika davet eder. Azadan 30 kişi imzalarile hey'et-i idareye, hey'et-i umumiyenin fevkalâde olarak davetini mutazammın bir talebi tahriri-i muhik vuku bulur ise hey'et-i idare hey'et-i umumiyeyi derhal içtimali davete mecburdur.

8.cü Madde — Hey'et-i umumiye mün'akid olunca müzakeratı tanzım ve teshil zımmında içlerinden iki kâtip nasbederler. Ve hey'et-i idare reisi hey'et-i umumiyeye riyaset eyler. Ancak kâtib-i umumî mevkiiini muhafaza eder.

9.cü Madde — Fırkanın gayeleri: Alelumum işçilerin amele ve çiftçilerin tanzimi âmali, ve teşriki mesâileri, bılıcümle teşkilâtın sosyal demokrat esasatına ifrağı, teşkilât-ı iktisadiye ve siyasiyenin bu esas üzerine tanzimi, şermayedaran şirket ve cemiyetlerinin yine sosyal demokrat prensiplerine tevfiği, bu suretle tedvir-i muamelâtı, zirai, sinayi, iktisadi sendikalar teşkili bu sendikaların iştirak ve tevhid-i âmali hattâ bu esaslardan kavaninin tedvini, beynelmilel sosyal demokrat teşkilât-ı umumiyesile teşriki, işçilerin bılıcümle hukukunun ve hassaten şermayedarlara karşı müdafaası zımmında tevün cemiyetleri teşkili, işçilerin temin-i maîşet ve terfih halleri ve her nevi avarızda onlara ve ailelerine muavenet-i maddiye ve maneviye-nin temini, Rey-i âm usulü ile intihabat icrasının tesbiti, meclis-i umumî ve mecalis-i Belediyeye bilintihap dahil olacak aza vasıtasiyle alelumum teşkilât ve tesisatta sosyal demokrat esasatının hakim ve nâzım kılınmasıdır.

10.cü Madde — 9.cü maddenin hey'et-i umumiye ekseriyetile ve beynelmilel sosyal demokrat kongrelerinin tadilat-ı umumiyesile tadil ve tavihi mecburidir.

11.cü Madde — İşbu programın mevad-ı sairesinin tadil ve tebdili hey'et-i umumiyenin ekseriyeti ârâsile olur. Hey'et-i idare bunların hiç birini tebdil ve tadil edemez.

12.cü Madde — Fırkanın merkez-i umumisi Dersaadettedir.

Tarih-i tesisi ve Tasdiki
23/Kânun-ı evvel Sene 1334
Fi 17 Rebiyülahir Sene 1331